

# 中日歷代戰史卷一

## 第一章 日本開國與中國之關係

### 第一節 中日民族之同源

日本建國之神話

在日本神話中、謂混沌之初、天生一物、狀如葦芽、化而爲神、神神相繼

、皆係所生、中有二神、立於天橋、以矛探海、其所沾之水、凝滴而成島、二神降居、遂生大洲

、山川艸木、天照女神及其弟等、天照之孫、是爲神武天皇、女神賜以玉鏡劍各一、即爲三種神器

、爲萬世統一之徵、神武因之東征、而開國焉、

又傳神武天皇卽位於九州日向之高千穗宮、是爲日本皇室之始主、其時爲中國

周惠王十年、西曆紀元前六六七年、當時日本土人

、大抵穴居野處、與中國三皇時相類、有蝦夷族、有土蜘蛛族、蟠據於本州之東北、有熊襲族、蟠據於九州之西南、與大和民族雜居、而本州中部幾

內道之地、則爲大和民族之別派、饒速日命所據、

中日歷代戰史

熊襲族強盛、壓迫神武天皇之族、兩族之根據地、相距密邇、有連雞不同栖之勢、神武天皇不得已、與部下秘謀、棄九州東路地、以舟師發日向率其部落沿海北進、經豐前筑紫、取道瀬戶內、海而東、屯兵於吉備三年、整理舟楫戰具糧秣、以窺饒速日命之動靜、東至浪速國登岸、饒速日命部的長髓彥拒戰於孔食衛坂、王師敗績、神武天皇之兄、中流矢而卒、神武乃班師至河內、改道取海路入紀伊、與土倉多艸戶畔戰擊斬之、越山路、襲大和、擊滅沿路土人之酋長、長髓彥拒守險要、王師不能進、乃說饒速日命殺張髓彥以降、分兵略定、其傍大小各部、悉定、神武天皇乃定都於大和國畝傍之橿原、是爲日本建國之始、時日本紀元元年、中國周惠王十七年、西曆紀元前六六〇年也、但山海

經有南倭北倭焉燕之旬、則中倭相通、似亦久矣、

蝦夷人種

研究日本史者、大都相信最初殖民於日本國內者、爲蝦夷人種、此蝦夷人

於穴居時、

即從西伯利亞渡海而來、見此豐美土地

、及溫和天時、遂在南部島上安居、日本在東海岸

之氣候、專恃南海熱流以調和、後有蒙古種從大陸

渡日本海、又有馬來人、從亞州南部乘熱流以入日

本、蝦夷人均無如之何、遂被逼入於日本之北部、

又有一說云、日本之土著爲阿奴種族、考古學

者、謂其來自亞洲大陸、或以爲蝦夷此部、與千島

相近、西端與庫頁島爲鄰、風平浪靜之時、小舟

可以往還、阿奴種族、當由此渡海也、據阿奴傳說

、島中尙先有土人、形狀短小、穴居野處、後自滅

絕、至阿奴之自述、其先祖則謂亞洲某王、生有

三女、幼者與情人潛渡而至島中、遂居焉、此說雖

近荒誕、但與來自亞洲之說頗相合、其後生殖益繁

、漸徙於氣候和煦艸木暢茂禽獸衆多生活舒適之地

、遂繁衍於本洲各部、故本州至今、其地名尙有

仍舊者、其北部中所遺骸骨、一切構造狀態、有類

於今居蝦夷舊地之人、大抵皆身體短小、面多鬚髮

、有若毛狀、生活簡陋、以漁獵爲生、體力強健、樂於戰鬥、方日本民族之東渡也、蝦夷迎戰甚力、後卒被驅於本州北部、其降服者、則爲奴隸、(阿奴者土語狗之謂也日人惡之頗甚)

又有謂日本民族、先居西北利亞、迨後南徙朝鮮半島、乃爲土人同化、風俗相類甚多、最後經對馬而東渡九州、其東渡也、分兩時期、先至者生活狀態與阿奴相類、後至者文化較高、生活狀態、與朝鮮南部之人相類、日本古墓常有綠玉、此類飾品、爲上古時代朝鮮之裝飾、其短刀武器、相似尤甚、或又謂馬來人、亦當由琉球北至日本、此說與上述相近、然以馬來人沐浴於冷水之中以祭祀、方得表示其虔誠、而日本人在古代祭祀時、亦照此而行之、則此風與馬來人相合、是否即爲馬來人之遺風、尙不敢證明也、然其爲朝鮮徙入、則較爲可靠也、

日本島之出現 淡黃、近於漢民族、體格之短小、類於

韓民族、語言之組織、界乎滿蒙韓諸民族之間、史家或疑其爲通古斯民族、或疑其爲朝鮮民族、或疑

其爲漢民族、或疑其爲南洋羣島之馬來民族、近世日本史家之矜奇立異者、又或自稱爲腓尼西亞之閃民族其畢竟屬何系統、疑莫能明也、日本古史、自稱天地初開之時、有神曰天之御中主神、次爲高皇產靈神、次爲神皇產靈神、此三神爲造化之主、傳七世至伊弉諾尊、伊弉册尊、皆居高天原、是爲神世七代、伊弉諾册二尊、奉天神詔、經營下方、遂去高原、至磯馭盧島、(今淡路島之一隅)作八尋殿、夫婦同居、遂產出淡路伊豫二名之島、隱岐、筑紫、一岐、對馬、佐渡、大倭、豐秋、津島、等處、是名爲八洲、於是日本國土、始出現於世界、

神話中日本天皇之系統

二神生數子、長名大日靈貴、卽天照大御神、治高天原、次爲月夜

見尊、治夜食國、三爲素盞鳴尊、治滄海、原天照大御神爲宗主、總攝三部、素盞鳴尊、亂暴凌侮、大御神怒、鎖天磐戶歸隱於是、天地海冥、萬妖齊起、高皇產靈神會、諸神於天安河原、命其子思兼神爲首領、安惠大御神、逐素盞鳴尊、素盞鳴尊率其子五十猛神歸根之國、居於新羅、利用舟楫

之便、搗杉檜樟等樹木之種子、遍殖於大八洲、遂至出雲、娶稻田媛、生數十子、大國主命最英武紹述父志、經營國土、闢沮洳、通水利、安集民衆、制禁厭之法、以療民病、提廣矛以四征不庭、新羅王子天日槍等、聞風來降、於是大八洲皆服、日本全島、悉隸屬於大國主命、已而天照大御神、養素盞鳴尊之子天忍穗耳尊爲子、使降下方、治豐葦厚之瑞穗國、時大國主命勢盛、乃遣天穗日命天稚彥等、相繼往諭旨、三年不得要領、復遣經津至神武靈槌神往諭旨、二神素有威望、大國主命奉詔獻上國土、其子建御名方神不服、與武靈槌神戰、敗績、走信濃之諏訪、乞降、大國主命歸隱出雲、史稱其一族爲出雲系統、於是大八洲皆服、會天忍穗耳尊之子瓊瓊杵尊降生、有德聖天忍穗耳尊乃請於天照大御神、使瓊瓊杵尊代已降臨下土、大御神許之、於是瓊瓊杵尊降居筑紫、定都於吾田國笠峽岬、是爲天照大御神苗裔降臨日本之始、史稱之天孫系統、傳三世至御毛沼命、始入人代、是爲神武天皇、

日本有史以前之民族

以上所引事蹟、頗支離怪誕、不近情理、高天原地名之解釋、或謂爲天比、或謂日本本洲次城縣之常陸國、或謂九州大分縣之豐前國、或謂本洲奈良縣大和國、或謂朝鮮半島、或謂蒙古大陸、或謂南洋羣島、史家言人人殊、互有出入、其畢竟屬於何處、尙無一定確論、然決非屬於日本內地、敢斷言也、日本民族異常複雜、有中國人苗裔、有朝鮮人苗裔、有北方民族由黑龍江方面逾韃靼海峽而至庫頁島、經過北海道、而蔓延於本洲者、現今之蝦夷民族是也、有南洋羣島民族、隨風漂流而至九州者、上古之熊襲民族是也、惟大和民族畢竟屬於何族、現今猶難斷定、然總之由西南海外移至者、決非由東北方面移至者、大抵出雲系統一派、爲有史以前日本之舊會長、其後天孫系統、移至九州、珍其臂而奪之、出雲派被征服時、束手歸順、無大抵抗、故天孫派優遇之、列爲貴族、被征服者、與征服者、受同等待遇、日久融合、成爲大和民族、其原來是一是二、疑莫能明也、至神武天皇東征、日本始有史可稽、

日本古代風俗與中國

高麗舊制、姊妹兄弟、可以結婚、日本亦然至今此風猶在、昔時皇后多以公主冊封、此制在中國今日爲不倫、在古代爲文化、日本高麗、蓋皆效尤於中國也、管子載齊桓公問管仲曰、寡人好色、姊妹妹有不嫁者、管仲曰、此過之小者也、及孔子時猶稱齊桓公正而不譎、並謂管仲爲仁、此亦可證日本民族與中國民族之風俗相類、

會稽風俗流入於倭

夏后少康之子、封於會稽、斷髮文身、以避蛟龍之害、會稽水道達日本、此風遂流入於日、倭奴從而效之、以入水捕魚蝦、後竟以爲飾、其文身之處、左右大小不一、今尙存焉、

日人大隈重信、開國五千年史序云、日本遠距大陸、有史之前、各種民族、由中國南部、馬來羣島、及印度諸地、乘風潮、利島嶼、冒險而進、遂擴佈其間、是即日本原始人種之一分也、在東北則有北韓韃靼蒙古、及中國北部等諸地之族移往之、來自南者、有冒險之氣、結部落、事拓殖、功業頗著、來自北者、雖爲大民族、其中雖有尙武人種